

## Hemmige

(Mani Matter)

S'git Lüt, die würden alletwäge nie  
Es Lied vorsinge, so win ig jitz hie  
Eis singen um kei Prys, nei bhüetis nei  
Wil si Hemmige hei

Si wäre vilicht gärn im Grund gno fräch  
Und danke, das syg ires grosse Päch  
Und s'laschtet uf ne win e schwäre Stei  
Dass si Hemmige hei

I weis, das macht eim heiss, verschlat eim d'Stim  
Doch dünkt eim mängisch o s'syg nüt so schlimm  
S'isch glych es Glück, o we mirs gar nid wei  
Das mir Hemmige hei

Was unterscheidet d'Mönsche vom Schimpans  
S'isch nid die glatti Hut, dr fählend Schwanz  
Nid dass mir schlächter d'Böim ufchöme, nei  
Dass mir Hemmige hei

Me stell sech d'Manne vor, wenna anders wär  
Und s'chäm es hübsches Meiteli derhär  
Jitz luege mir doch höchstens chly uf d'Bei  
Wil mir Hemmige hei

Und we me gseht, was hütt dr Mönschheit droht  
So gseht me würklech schwarz, nid nume rot  
Und was me no cha hoffen isch alei  
Dass si Hemmige hei

<b>Am</b>	<b>Dm</b>	<b>G</b>	<b>C</b>
<b>C</b>	<b>E7</b>	<b>Am</b>	<b>E7</b>